



Arubaanse Courant

Anja 26.

DIALUNA 1 JUNI 1964

No. 5046.

Officier di husticia ta exihi:

DIEZDOS ANJA DI PRISON PA A.M.J. CU A MATA S. NOGUERRA

ORANJESTAD, 1 juni. - Diabierna ultimo a worde trata dilanti huez J. Van Koot e caso di matamento cual a tuma lugar dia 10 di Mei ultimo na Rooi Hundo, San Nicolas, caminda e caballero A.M.B. di binti ocho anja a hinka Supriano Noguera di cuarenta y cinco anja cu un hero cu punta skerpi, causando e ultimo menciona su bida. Durante e tratamento e acusado no a muestra ningun tiki di remordemento y a bisa huez claramente cu su intencion tabata di mata Noguera y pesei el a hinka esaki asina. Officier di husticia S.H. Tjon A Jong mustrando cu ultimamente matamento y hinkamento ta aumentando na Aruba, a exihi un castigo di diezdos anja di prison pa acusado. Huez ta duna sentencia dentro di dos siman.

Trankilamente e acusado A.M.J. a contesta e preguntanan di huez van Koot. El a conta cu nunca anterior, promer cu e anochi fatal, e tabatin pleito of palabra cu e victima. En berdad e victima tabata biba cu su ruman muher y esakinan tabata tin pleito cu otro, hasta cu e ruman muher a laga Noguerra y a bai biba otro caminda. Pero e acusado kende tabata biba hunto cu nan, si a keda serca Noguera despues cu su ruman a sali for di e cas. Segun acusado a sigui conta, e defunto despues cu su companjera di bida a lagé, diferente blaha a bisa cu e lo mata esaki, esta J. su ruman muher. Hasta parse cu Noguera tabatin un portret di su ex-amante cual el a pone abao den su camber y apinta un caha di morto cu number di esaki ariba dje. Ariba e caha di morto aki el a pone dos cuchu cruza ariba otro. Ariba e pregunta di huez cu si e echo aki a pone acusado hanja un rabia ariba Noguera, el a contesta cu no y tampoco segun el a bisa, e no a preocupa su mes cu e amenaza cu Noguera continuamente tabata haci encunto su ruman muher. El a conta cu e cu Noguera tabatin mes bon relacion cu otro y cu hasta durante e tempo cu e no tabatin trabao esaki tabata duné di come y percura pa e no falta di su mes ternan diario. Asina nan a biba

mas o menos un cuatro a cinco siman hunto despues cu e ruman a laga Noguera.

NOCHI FATAL

"Mi a bebe masha hopi poco promer cu mi a mata Noguera,

FATUM
Pa tur bo aseguran
Tel. 1845.

pero mi no tabata burachi", segun A.M.J. a sigui conta.

En total mi a bebe como seis botter di rom, siete of ocho botter di cerbes, cu cuatro otro persona nos a bebe un botter di whiskey, y tambe un botter di rum mas mia reparti cu un otro". Y mi no a bira burachi como cu promer cu mi a cuminsa bebe mi a tuma unglas di azeta dushi". "Esaki ta un experiencia cu mi tin, loke ta yudami wanta hopi ariba pia, promer cu mi bira burachi", segun e acusado. Despues di 12' or di anochi A.M.J. a bai cas di Noguera caminda e ta biba. Como cu e mes tin un jabí di e porta tambe, e por a drenta y sali for di e cas ora cu e kier. Ora cu el a drenta paden, Noguera tabata drumi den camber. El a



SABOR CU NUNCA TA
VÁRIA

IT NEVER VARIES.

bai serca dje y a lamté for di sonjo. Esaki segun el a conta huez, ta un custumber cu e y e defunto tabatin cu otro. Ora esun jega cas, e ta lanta e otro pa esaki sabí cu el a yega y e ta den cas. Despues cu el a lanta Noguera, nan dos a bai sinta den sala y tabata papia y scucha e radio transistor di A. M.J. a bai busca e dia ey. "Nos ningun di dos tabatin pleito cu otro, of ta pleita cu otro", segun acusado. Pero di riplente parse cu Noguera a lanta para y a bai den su camber for di caminda el a bolbe cu un pida hero di mas o menos mei metro cu un punto bon skerpi y un cabo special pa tene. Segun acusado Noguera a para na un distancia di dje cu e hero y a bisé: "Mi ta bai matabo". Apesar cu acusado ta un homber fuerte y robusto di curpa y di aparecido un persona cu lo no spanta asina liher pa un amenaza, segun el a sigui conta, e no a bisa ni haci nada ora cu Noguera a menacé. Sin haci nada mas, Noguera e ora a bolbe den e kamber for di unda el a regresa sin e hero y a bin sinta den sala atrobe. Acusado e ora a lanta, pasobra segun el a bisa el a hanja miedo, y a bai den e kamber di Noguera for di unda el a bolbe cu e hero cu punta skerpi den man drechi y un cuchu di tamanja cu no por worde jama chiquito, den su man robez. Tur dos e articulanon aki, diabierna mainta durante di e tratamiento di e caso, tabata testigonan keto di e drama cu a tuma lugar dia 10 di Mei marduga.

(sigi lesa pagina 2)

Diabierna ultimo e B.C. di Corsow a bin haci un bishita na Aruba Banda di nueb'or di mainta nan a yega y a worde encontra pa Gezaghber interino I.S. de Cuba y secretario di territorio insular L.C.M. Kerstens (foto saluando Dr. F. da Costa Gomez na yegada). Despues nan a delibera algun ora cu B.C. di Aruba y pa banda di 12' or a sali pa Astoria Hotel na San Nicolas caminda nan a tuma lunch. A sigui un bishita na e diferente fabricanan na Balashi y Barcadera (foto di robez pa drechi, secretario di B.C. na Corsow, O.R. Beaujon, Dr. F. da Costa Gomez y diputado Mathew na Planta di Awa y Energia na Balashi). Diabierna anochi e B.C. di Corsow a regresa nan isla satisfactorio o di nan biaha. Segun ta worde spera B.C. di Aruba aki na dos luna lo haci un contra bishita na Corsow.



DIEZDOS ANJA DI PRISON PA...

(Continuacion di pagina 1)

Segun acusado a contesta huez su pregunta, "Ora cu mi a lanta pa busca e armanan, mi pensamiento tabata cu e no mester hunga cumi, e ta matani of ami

ta maté... Mi a bai para e ora su dilanti cu e dos armanan punta ariba dje y a bisé, bo a hana oportunidad di maiami, bo no a hacie, pero ami si lo matabo". Reaccionando Noguera e oraparse a hala su stul ariba cual e ta sinta ariba, adilanti of e kier a lanta para, pero sin dilata un seconde J. a pusha e hero cupunta skerpi den su man cu tur su forza den pecho di Noguera. Apesar cu acusado dilanti huez a nenga cu el a hinka su victima cu hopi forza, e declaracion di dokter ta bisa cu e herida hanja den pecho di Noguera, cual tin un profundidad di siete centimetro, a worde causa pa un hinka cu hopi fuerza. E hero claba den e pecho banda drechi di Noguera a keda hinka eyan y acusado a baha na awa lagando e cuchu tambe atras. Pero a dicidi mesora di bolbe busca e cuchu, cual ora cu el a worde aresta banda di seis or di e mainta dia 10 di Mei, e tabatin serca djé. Parse cu ora cu el a sali for di e cas di Noguera di dos blaha esaki a sali pafor y ainda el a mandé cu algun piedra, promer cu el a bai serca su runan muher, kende el a bisa cu el a mata Noguera. Despues el a bai su caminda y a sigui

Jubileonan na Lago

SAN NICOLAS, 1 juni. - Dia tres venidero pa tres or y cuarto ta tuma lugar den Reception Center di Lago entregamento di holo-shi pa e empleadonan cu a cumpli 25 anja den servicio di e compania. Esnan cu lo ricibi tal, lo ta F. Dirksz di Mech. Bulld & Serv. W.F. Ratcliff di Tech. Econ. & Planning. A.E. Doest di Mech. Bulld & Serv., C.G. Semelaar di Proc. Crack. & Light Ends., J.E. Benschop tambe di e departamento ey, H.J. Turner di Marine Float. Equipment J.f. Kelly di Proc. Crack & Light Ends., J.V. Van Stralen di Lago Police, y G.J. Busby di Proc. Rec. & Shipping.

30 anja

Dia 31 ultimo senyor Emile M. Sambre kende actualmente ta traha na Mechanical Building & Service como carpinte a cumpli 30 anja den servicio di Lago. Senyor Sambre a cuminsa servicio cu e compania na juni 28 di anja 1933 como Tradesman clas cuatro. Despues di a kita algun blaha for di trabao of worde traslada, senyor Sambre a progresa te actualmente e ta carpenter A. Senyor Sambre ningun blaha tabatin un accidente di trabao cu a costa ora perdi.

20 anja

Binti anja den servicio a cumpli ultimamente senyor Leonso Dorothal di departamento L.O.F. (A. & E). Na anja 1943 el a drenta servicio di Lago como Laborer "C" na Marine Wharves. Senyor Dorothal tin 53 anja y nunca a sufri accidente di trabao cu perdida di ora.

Indoctrinacionina schoolnan cubano

HAVANA, 1 Juni. - Gobierno Cubano ayera a anuncia, cu pronto lo ser cuminsa na tur schoolnan primaria Cubano cu formacion politico dje alumnonan. E lesnan tocante teoria y practico cu marxismo y lenenismo, lo worde duna door di instructornan, cu ta ser escoge pa un tral trabao di instrui door dje asosacion di comunistanan hoben, segun e noticia.

bebe. Ora cu polis a detene e tabata sumamente burachi y mester a worde carcela pa poco tempo promer cu e por a duna un declaracion corecto.

Noguera promer cu el a muri a haci un ultimo esfuerzo pa yega na cas di un ruman di dje y a worde hanja morto na un distancia di mas o menos dos cien meter for di su cas.

E acusado kende anteriormente a worde condena un blaha pa agresividad a bisa huez cu loke el a haci pasobra su intencion tabata mata Noguera.

OFFICIER DI HUSTICIA

Den su pidimento fiscal di husticia S.H. Tjon A Jong a muestra cu loke A.M.J. a conta ta un declaracion di dje so y cu loke e conta ta completamente manera cu e kier mira esaki. Pero cu en todo caso tin prueba bastante cu ta forma un completo acusacion. Refiriendo na tur e pruebanaan hanja contra di A.M.J. y e declaracion di e acusado mes, e ta hanja cu J. tin di wor-

Boet di 200 florin pa bendedo di bebido clandestino

ORANJESTAD, 1 juni. - Ecaballero A.F. di Santo Domingo kende dia 11 pa 12 di April ultimo a worde hanja ta bende bebida clandestino den un lugar na San Nicolas, apesar di esfuerzo pa libra su curpa cu papiamento bunita a tende huez condené pa un boet di dos cien florin of cuarenta dia cera.

E dia menciona ariba polisnan a tene un controlamento di sorpresa den e lugar di A.F. caminda nan a hanja 25 persona di cual ya algun tabata bonburachi. Hasta segun huez a bisa diabierna mainta polisnan a hanja un juke-box den e cas y alavez cinco dama den e cas. Algo pa cual segun huez e blaha aki bo no ta worde acusa di ta haci clandestino. Segun A.F. den su propio defensa a bisa, e no tin un negoshi especial den su cas pa bende

bebida, pero tampoco e ta duna e herdenan cu ta bin su cas bebida. E juke-box tabata di un otro hende cu a keda di cumpré for di dje den un transaccion comercial.

Officier a bisa cu ya ta diferente blaha cu acusado ta worde atrapa bendedo bebida clandestino. E maldad aki ta algo cu ta tuma lugar masha hopi na San Nico-

de condena pa loke el a worde acusa primeramente, esta; matamento cu determinacion. Segun officier acusado na momento cu el a comete e crimen tabata sabi exactamente loke e ta haciendo. Y alavez acusado ningun momento ta muestra di tin duele di loke el a haci.

Officier a pidi un castigo di 12 anja di prison contra A.M.J. Huez lo duna sentencia dentro di dos siman.

las, segun officier, hasta tambe tin e lugarnan clandestina caminda nan ta duna oportunidad na damanan y caballeronan pa nan maldad. Majoria parti ta asina cu e personanan aki ora cu nan worde atrapa pa polis ta bisa cu nan a cumpra e bebida hunto y cu nan ta bebiendo esaki hunto como si fuera nada malo no a sosode.

Officier a hanja cu den e caso aki di A.F. e tin di pidi un castigo di 250 florin of 50 dia cera. Alavez dos siman di prison condicional pa un tempo di prueba di dos anja. Huez a bai di acuerdo cu e ultimo y a cambia e boet pa dos cien florin of 40 dia. Alavez el a avisa A.F. cu otro blaha cu e worde atrapa e ta bai tras di tralie.

Castigo condicional pa omenaza di concubina

ORANJESTAD, 1 juni. - E hoben J.R. kende dia 21 di maart a maltrata su concubina De C. door di dos blaha consecutivo dalé cu auto, a hanja un castigo di un siman di prison condicional pa un tempo di prueba di un anja y cincuenta florin di boet of 10 dia sera. Parse despues di un pleito cu J.R. tabata tin cu De C., el a bira asina furioso cu dos blaha tras di otro el a back su auto y a dal De C. cu esaki. Officier a hanja esaki un caso masha serio y apesar cu J.R. y De C. a drecha e asunto cu otro atrobe y apesar cu De C. a bin serca Ministerio Publico pa hala e cuenta atras, Ministerio Publico na bienestar general a hanja cu no por haci esaki, pesei sin embargo tumando tur cos na cuenta el a exhibi un castigo di un siman di prison condicional pa un tempo di prueba di un anja y un boet di cincuenta florin of 10 dia cera. Huez a condena segun epidimento fiscal.

BO A PIDI

GAS CABA?

1898 - 1198

TA BUSCA

Un mucha homber pa parti Arubaanse Courant na Paradera.

E MESTER TIN BICICLETA

Pa inf: Acudi na oficina di Arubaanse Courant, Nassaustra 85. Oranjestad.

BIEDT ZICH AAN VERTALER

voor vertalingen van en naar

- * Engels
- * Nederlands
- * Papiaments

BRIEVEN LETTER RG
Kantoor Arubaanse Courant
Nassaustra 85.

Sra. Rockefeller a hanja jiu homber

NEW YORK, 1 Juni. - Senyora Rockefeller, esposa di gobernador di New York cu a caba di termina un campanja di eleccion na California, tabata presente ne nasimientu di su jiu homber, e prome jiu dje pareha, cu anja pasa 4 di Mei a drenta estado matrimonial. Senyora Rockefeller tin 4 di su anterior casamentunan cu Dr. James Slater Murphy, y Nelson Rockefeller tabatin 4 jiu di su prome casamentu. Un di nan Michael, na November di 1961 a worde perdi durante un expedicion na Nueva Guinea, y a muri probablemente.

Un militar cubano den Havana ta tene warda serca machinnan agricola cu Rusia a entrega na Cuba.

BISTIR

den e coleccion mas grandi jamas visto.



* ultimo creacionnan colornan preciso, cu nos ta ricibi constantemente.

Tambe TAS y

SAPATO.

Pa damanan

di bongusto, e adres apropiada ta:

La Linda

STENO en TYPEN



ST. GERARDUS CURSUS



BOTICA ARUBA

Personal competente
+ Maquinaria moderna
= Servicio excelente.

Jama No. 1080 - 1081

of 1180

y nos ta busca bo recept y entrega e remedi na bo cas.



CINCO ANJA EXIHI PA E.A.C. CU A CUCHIA SU ESPOSA

ORANJESTAD, 1 juni. - E caballero E.A.C. di binti seis anja kende despues di dos siman y cuatro dia cu el a casa, acuchia su esposa na un manera barbaro, a tende officier di husticia exihi diabierna mainta un castigo di cinco anja di prison contra dje, pa motibo di e echo menciona cual el a comete dia 11 di Mei ultimo na Companashi. E acusado a duna un declaracion completamente otro cu esun di un testigo y su esposa.

Segun declaracion di E.A.C. kende anteriormente tabata biba na Corsow y ta traha cerca su tata ayanan, el a sinja conoce su esposa L.C. un anja pasa na Corsow. E amistad aki a sigui crece. Algun luna pasa L.C. a duna di conoce na E.A.C. cu e kler bai Aruba pa sinja conoce e lugar. El a gusta e lugar y a dicidi di keda. Poco tempo despues cu L.C. tabata na Aruba, E.A.C. a dicidi di casa cu L.C. pero segun el a conta, su majornan no tabata kier esaki, como cu segun su majornan L.C. un Dominicana ta un muher di calla ariba pregunta di huez con su majornan por pensa tal cos, acusado a contesta cu su majornan a bisé cu hopi Dominicano ta muher di bida. Pero sin embargo acusado a casa cu L.C. Dos siman y cuatro dia despues e matrimonio aki a hera di termina cu tres hinka di un cuchu y un hinka di un di dos cuchu. Gracias operacion imediatamente L.C. su bida por a worde scapa. E motibo pakiko el a comete e crimen aki segun A.C. ta pasobra cu su senjora tabata infiel na dje. El a conta un storia den cual el a muestra cu diferente biaha el a hanja su senjora den un lugar na San Nicolas menos apropiado pa un ama di cas ta aden. Avisando su senjora cu e no ta accepta tal actuacion, parce esaki e ora a menasé cu e lo regla su cuenta pé cu un cuchu. Un dia prome cu e hinkamento el a bolbe mira su esposa den e lugar di un tal "Baba" na San Nicolas. Pero e dia anterior L.C. a bisé cu si un biaha mas, e mester molestie e tin un cuchu prepara pé. E dia siguiente el a cumpra un cuchu pa segun el a declara dilanti huez defende su mes, si L.C. mester a ataké cu un cuchu. E dia siguiente banda di anochi e dama a bista pa sali. Acusado a puntré unda e ta bai. Esaki parse a contesté "Mi ta bai busca mi manera di biba". Cu esaki palabra a cuminsa cai. Palabra tras di palabra y un mas pikante cu otro. Di repente parce cu L.C. a bai den camber y a sali cu un cuchu cu cual el a ataca e acusado. Usando un stoel, acusado a trata di defende su mes. Nan a manda otro cu stoel, despues di cual L.C. a sali na careda. Acusado a corre su tras y agaré den porta di cura caminda el a hinka L.C. den su lomba. Esaki a sigui corre sin embargo pero a cai pafor ariba caminda. Un biaha, dos biaha e man di E.A.C. a bai halto y baha ariba curpa di L.C. penetrando e cuchu den e ultimo cu curpa. E di dos biaha ora cu el a hinka esaki, mientras cu e tabata sinta ariba dje ariba caminda, e cuchu a kibra den curpa di L.C. Hanjando cu no ya basta ainda E.A.C. a kita e cuchu cu L.C. tabatin y a claba esaki den L.C. su stoma. E hinká aki casi a resulta fatal pa L.C. Se-

gun E.A.C. a sigui conta el a saka e cuchu for di bariga di su esposa y a duné esaki. El a juda su esposa lamta ariba play esaki a camna drenta cura di otro hende net ora cu polis ta yegando. Segun hues a bisa; dokter a constata L.C. tabata tin mas corta ainda fuera di esun den su lomba y e otro tresnan mas ariba su curpa. Tur dos suschoudernan y e dedenan di su man drechi tabata corta. Acusado e ora a contesta cu kizas e muher mes a corta su curpa den e bringamento y cu e cortanan na su dede por a worde causa ora cu el a hinké den su bariga, esaki a purba tene e cuchu. Como ultimo E.A.C. ta bisa cu el a sinti su mes enganja y tabata furioso y su intencion tabata na e momento ey di mata e muher.

DECLARACION ESPOSA

Huez despues di a tende declaracion di e acusado a muestra algun punto di e declaracion di L.C. cualnan ta completamente contrario di loke E.A.C. a declara. E declaracion aki di L.C. a worde tuma door di polis. E victima parse a declara cu acusado nunca tabata duné placa pa mantencion. Alavez acusado kier a buscá un lugar na San Nicolas, caminda e por vende bebida clandestina y e (esta L.C.) por ser prostituta. Cu esaki e kier gana placa for dje pero e dama a nenga di haci esaki. Parse e ora E.A.C. a menace pasobra e dama no kier bai haci e "ofishi di mas bleuw di mundo"

pa dune di come. Cu esaki e pleitamento a continua te na e dia fatal.

DECLARACION TESTIGO

E testigo E.A. kende tabata presente na e pleitamento prome cu e hinkamento, a bisa cu e dia e pleitamento a cuminsa cu asunto di panja, cual E.A.C. tabatin mester pa bai Corsow. No tabatin panja cla y nan a cuminsa pleita. Despues di hopi palabra grandi nan a manda otro cu stoel, pero asina leuw cu esa, ningun di dos tabatin cuchu den man. E muher L.A. a corre bai despues di tiramento di stoel y E.A.C. a corre su tras. Despues di cual el a hinka L.A. ariba calla.

INTENCION PA MATA.

Segun officier di husticia S.H. Tjong A Jong bastante prueba a worde duna cu E.A.C. tabatin intencion di mata dia 11 di Mei ultimo. E no a hinka un biaha, pero diferente biaha y na diferente lugar. "E hende cu hinka un otro di tal forma, no por tin otro intencion cu ta mata". Segun officier a sigui bisa, acusado ta bisa cu el a sinti su mes enganja di e matrimonio pasobra su esposa tabata infiel, pero e dama tambe a sali enganja segun officier di husticia y mester a paga masha caro pa e nacionalidad Hulandes cual e tabata desea di hanja asina tanto y door di casa cu E.A.C. kler a hanja esaki. Segun officier E.A.C. a casa cu un intencion determina cu L.C. Pero e no a ricibi loke el a spera di gana for di L.C. esaki a lastimé. Alavez segun officier acusado durante su tempo na Aruba tabata den circulonan menos bon di fama pa e ofishi cu nan tin. Tumando e seriedad di e echo, circunstancianan y lo demas, officier a hanja cu a worde prueba e acusacion primario contra di E.A.C. y pesel a exihi un castigo di cinco anja di prison contra esaki. Huez lo duna sentencia dentro di dos siman.

NEW YORK

awor

bo per bai te New York den un "Fan Jet" rapido y fransonico

\$ 78,25 cada vuelo

E "Fan Jetnan" di Trans Caribbean ta sali tur Diamars, Diabierne y Diadomingo for di Aruba.

E vuelo ta dura algo mas cu 4 ora. Sin cambio di avion na San Juan. Bisa bo agente di BIAHE coe bo ke bula coe Trans Caribbean, of jama telefon 2700.

Basá riba tariva di excursion "round trip" di 15 dia.



TRANS CARIBBEAN
THE '5TH ENGINE' FAN JETLINE

TUR COS MESTER BAI
KAPMENTO DI PRIJS

Na:

MANSUR TRADING

bao direccion NOBO
Nassaustraat/ skina Oranjestr-O'stad tel. 1120.



Generalnan di ehercito a carga e restonan mortal di Nehru pa e lugar caminda e pueblo por a despedi di e lider cu a fallece.

Baseball internacional....**Aruba a gana dos, perde uno contra Sto. Domingo**

Di Nos Redactor Deportivo) Durante e weekend cu a caba atrobe a tuma lugar un serie di baseball internacional na nos isla. E blaha aki tabata un equipo for di Sto. Domingo cu tabata di bishita, Anis Confite, y cu a hunga un total di tres wega contra di tres diferente equipo local.

Diabierna anochi e serie a cuminsa cu e encuentro Anis Confite contra di EssoServicecenter e campeonan local.

Anotando den e tercer y cuarta inning un carrera cada blaha Esso a bai adelantá 2-0.

Promer y luego a resulta di ta e unico, di e dominicanonan a worde produci den inning number cinco. Cerrando e inning number shete, e muchanan local ta anota tres carrera mediante cuatro hit pa pone e score ta na 5 pa 1. Cu e anotacion aki por cierto e partido a termina den favor di Esso.

Un total di 11 hit a worde conecta door di Esso, y door di Anis Confite 6 hit. Pitcher ganador tabata Emiliano Jansen, perdedor Rafael Chasman.

ZENITH TA PERDE DEN 10 INNING.

E segundo wega di e visitante nan for di Sto. Domingo a tuma lugar diasabra tardi y tabata contra di Zenith. Esaki a resulta e unico triunfo di e dominicanonan cu anotacion di 4 pa 3. Pa logra esaki sin embargo, nan tabata tin mester di un inning extra.

Ambos equipo ta anota dos carrera den e segundo inning y atrobe den e septimo inning cada uno ta anota uno. E nueve inningnan registario ta worde completa cu e scoreboard, marcando tres carrera pa cada uno y mester bai den extra inning. Anis Confite ta anota uno den e inning number diez, mientras cu Zenith ta bai den blanco y asina e partido ta worde dicidi den favor di e dominicanonan 4 pa 3. Nan a conecta total di 6 hit, mientras cu Zenith tabata tin 7.

Pitcher ganador tabata Sanchez, perdedor T. Hoftijzer.

HEINEKEN'S 4 ANIS CONFITE 1
E tercer y ultimo wega di e dominicanonan tabata contra di Heineken's. Ya den e prome inning e cerveceran local a

anota tres carrera, loke practicamente ya a resulta basta pa e triunfo. Den e quinto inning nan ta anota uno mas pa aumenta na ventaha te na 4-0. E unico carrera di Anis Confite ta worde logra den e octavo inning.

Heineken's a anota cuatro carrera y conecta 8 hit. Anis Confite a anota un acerra y conecta 4 hit.

Pitcher ganador tabata e estelar

Sam Jacobs, perdedor Isaias Dean.

Incidente cu bapor Hulandes na Peru

LIMA, 1 Juni. - E tripulacion completo, dje bapor di carga Pacaya di 1953 ton di un astilera di Rotterdam ayera a amensura den capital Peruano Callao di keda muelle, si capitan dje bapor, van Beelen no tuma medida contra un miembro dje tripulacion cu a casusa panico abordo. E acusado a hanja boet cerca douane Peruano pa motibu di contrabando di sigaria y a bisa cun polis a bisa riba dje. Den un furia el a persigui e homber door di henter bapor cun cushu den su man. E otro a logra scapa y e hacidor di bochincha a keda maestra. E tripulacion indigna a exigi medidanan severo, cu a sigui naturalmente. E hacidor di desorden a worde baha dje bapor y pone como simple pasajero abordo di un otro bapor pa Ulanda.

Encuentro na New Delhi

NUEVA DELHI, 1 juni - E prome vice president dje consejo di ministernan di Rusia, Kosygin, cu ta den capital di India, ayera tabatin un entre vista cu e minister Mericano di asuntu nan exterior Dean Rusk, cu tambe ta na Nueva Delhi.

Ne conversacion tabatin presente e embahador Ruso na India Benediktov, y e embahador Mericano na India Bowles.

KEEP COOL
AIR CONDITION
NOW!




Ultimamente e bandanan hubenil di Inglaterra ta causa polis hopi trobbel, door di peleanan entre nan riba calla. Aki un bista di dos miembronan di banda femenino cu ta drecha otro nan tipo un poco.

HINDERORDERING ARUBA

De wnd. Gezaghebber van het eilandgebied Aruba maakt bekend dat een door Joseph Isidore Riley ingediend verzoek met bijlagen om vergunning tot het mogen oprichten van een houtbewerkingsinrichting in een perceel, gelegen te Dakota, Olijfistraat 25, gedurende dertig dagen na heden op het Bestuurskantoor, afdeling Algemene Zaken, ter inzage ligt en dat gedurende deze termijn een ieder mondeling of schriftelijk zijn bezwaren tegen bedoeld verzoek kenbaar kan maken.

Huelga na Bolivia

LA PAZ, 1 Juni. - Tur caminda na Bolivia ayera mineronan a cuminsa bandona e minanan, cumpliendo asina cu ordenan di huelga cu a ser proclama pa nan federacion nacional. Banda di 12'or diasabra tardi ya mas o menos 5000 obrero di dos mina na Orupo, 300 K.M. na Sur di La Paz, y tambe algun otro caminda a stop di traha. E huelga a ser proclama pa un tempu sin limite, como contribucion na motibu nacional di resistencia pacifico, y como prueba di solidaridad cu lidernan dje mineronan cu prome a cuminsa un huelga di hamber.

Noord Corea a duna dos presunan Mericano nan libertad, cu desde 1958 ta presu ora cu nan helicopter a worde tira na e frontera entre Noord y Sur Corea. Aki por mira nan mei mei di oficialnan - Noord Coreano.





Trafico durante diabierne u.p.

ORANJESTAD, 1 juni.-Diabierne mainta banda di 11'or y binti a tuma lugar na e cruzada di Koningstraat y Weststraat na Oranjestad un choke entre e autonon A-3812 y A-71-23 maneha pa respectivamente W.B. y C.M. E danjo material na e autonon a resulta total 425 florin.

Banda di Estrella club na Santa Cruz, e autonon A-981 y A-7953 a dal ariba otro banda di un cuarto pa seis, diasabra atardi. E chauffeurnan di e au-

tonon tabata respectivamente M.B. y J.A. E ultimo menciona door di e choke a hanja un herida chiquito na su frente. E danjo a resulta na A-981 como ocho cien florin y na A-7953 como dos mil florin.

Un otro choke basta plsa cu tambe a tuma lugar diablerna ultimo tabata esun banda di warda di polis na Savaneta pa mas o menos un 10 pasa di seis or di atardi.

E choke tabata entre e autonon A-3719 maneha pa G.D. y A-3227 maneha pa J.C. Danjo ma-3227 maneha pa J.C. Danjo total na e autonon ta un dos cien y ciencuenta florin.

E isla di boor Lepelaar a sufri un accidente riba lamar, ora el a worde di dal pa un barco liberiano dilanti di costa di Hulanda. Aki un bista di e danjo cu Lepelaar a hanja.

WIMCO  **WIMCO**
GENERAL ELECTRIC
GUARANTEE & ECONOMY

don't miss this air conditioner value!

1 HIGH CAPACITY COOLING
Plus
2 REMARKABLY QUIET OPERATION



IMMEDIATELY AVAILABLE FROM STOCK

room air conditioners
For any room: your bedroom, livingroom office ETC.

THE PERFECT COMBINATION OF COOLING AND DEHUMIDIFICATION FOR LARGE LIVING AREAS - PLUS

- Remarkably Quiet Operation
- Automatic 10 Position Thermostat
- Two Speed Air Velocity
- Rotator Air Directors
- Washable Air Filter

GENERAL ELECTRIC

FOR MORE INFORMATION PLEASE GIVE US A RING, AND OUR TECHNICAL STAFF WILL PROVIDE YOU A COMPLETE AND ACCURATE SURVEY, FREE OF CHARGE THERE'S NO OBLIGATION!

Model		
RL 504 B	9300	BTU
RH 601 B	12500	BTU
RF 604 C	13000	BTU
RD 801 B	18500	BTU
RD 901 B	19000	BTU
RD 101 B	22500	BTU

SINGLE PACKAGE COOLING UNIT FOR COMMERCIAL INSTALLATIONS

TC 36	36000	BTU
TC 48	48000	BTU

TEL. 2958 ORANJESTAD  TEL. 5162 SAN NICOLAS



Riba un exposicion na Londen por mira e arte aki, consistiendo di cuater cabes di e Beatlenan pa e prijs di diescinc mil florin.

Rusk a bishita Sur Vietnam

SAIGON, 1 juni - E minister Mericano di asuntunan exterior a llega Saigon pa un bishita di algun ora. Na su llegada minister Rusk a declara cu henter e lucha di Merca ta dirigi na conveniencia China y Vietnam del Norte pa laga nan paisnan bisinjan cu paz.

Miembronan di milicia femenino di Cuba ta tene warda dilanti di e edificio di parlamento na Havana. Actualmente tin hopi damas ta sirbi den exercito na Cuba.

Despues di un entrevista cu general Ngoeyen Khanh, e prome minister di Vietnam del Sur, minister Rusk a sali Honolulu, y akinan manera anuncia e lo asisti na un reunion di funcionarionan mericano prominente, cu lo ta dedica completamente na un bista riba situacion di Zuidoost Azia.

WAARSCHUWING

De commandant van vliegtuigsquadron nr. 1 van de Marine Luchtvaartdienst maakt bekend, dat op 1 juni 1964 van 17.00 - 18.00 uur.

schietoefeningen

zullen worden gehouden door vliegtuigen met raketten en oefenbommen, op de vlakte van San Pedro.

Un wardado di carne chipriota Griego, - arma cu scopet automatico durante su warda na Cyprus. Tur hende riba e isla ta camna arma y e bista aki ta nada excepcional mas.

Candela misterioso den ciudad ruso

MOSCU. 1 juni - Segun fuente fidedigno a anuncia na Moscu, e fin di siman cu a pasa, tabatin candela den e biblioteca dje academia pa ciencia di Kiev capital di Oekraïne, caminda mas o menos 60.000 obra a bira victima dje vlamnan. E piso mas altu dje edificio a keda completamente destrui mientras cu resto a hanja danjo di awa. E biblioteca, den cual tabatin mas o menos seis millon boeki, tabata esun di mas grandi na Oekraïne, cu varios obranan grandi cu no por wordu reemplasa.

Polis di Kiev ta haciendo un investigacion pa segun nan ta bisa e incendio misterioso aki.

Minister Aleman ta acusa Ulanda

STUTTGART, 1 juni. - E minister di trafico di Alemania Occidental y boserio dje Alemanan Sudeten, Hans Christoph Seebohm, ayera a llama na un reunion dje asosacion estudiantal Aleman Sudeten e ataquenan riba dje como un klopjacht di corantnan di Alemania Occidental Izquierdista. E calumnia organisa den exterior a cuminsa na Ulanda, segun Seebohm. E persona-



nan aki ta biba creyendo, cu lo cual a pasa nos Alemanan Sudeten, a sosede pa nos falta, segun e minister di Alemania Occidental, cu a bisa di ta kere na un Europa sin limitenan cu construcion federalista no por renuncia derecho riba un patria y autodeterminacion, segun e minister menciona, pasombra nos no kier renuncia Europa.

Sjastri sucesor di Nehru na India?

NUEVA DELHI, 1 juni. - Diamars awor e 537 representantenan dje partido di gobierno cu ta coberna den ambos camara di parlamento Indio lo reuni pa eleccion di sucesor di defuntu prome minister Nehru. E comite di trabao di partido a reuni den un conferencia pa nombra un candidato. Ne reunion aki tambe a participa e prome ministernan dje 16 estadonan cu ta forma parti di India.

Ningun informacion acerca dje resultadonan a worde duna.

Ta parse sigur cu e minister sin cartera di 59 anja Lal Bahadoer Sjastri, lo worde eligi como prome minister.

Probablemente e tin apoyo di mayoria dje miembronan di ambos fraccion parlamentario di partido di congreso.

Rusonan ta gana concurso piano

BRUSELAS, 1 juni. - E Ruso di 19 anja Eugene Mogullevsky, ayera noch a gana na Bruselas e concurso internacional La Reina Elizabeth di Belgica 1964 pa piano. Na di dos luga a termina Nicolai Petrov di 21 anja cu tambe ta di Rusia y ne di tres luga e pianista Belgo di 17 anja Jean Claude. Na finale den palacio di arte, 12 pianista a participa entre otro 4 Mericano, 3 Ruso, dos Bulgaro, un Belgo, un Frances y un representante di republica popular Chines. La Reina Elisabeth, abuela di rey Boudewijn, principe Albert y principe Pao'a tambe tabata presente. Eugene Moullevsky ta un alumno di Neuhaus. El a nase na Odessa y a studia ne conservatorio di Moscu. Tabata e di tres biaha consecutivo cun Ruso ta gana e concurso.

BEKENDMAKING

HET BESTUUR VAN DE VERENIGING VOOR PROTESTANTS: CHRISTELIJK ONDERWIJS OP ARUBA

maakt bekend, dat de Algemene Ledenvergadering dit jaar zal plaatsvinden op donderdag, 18 juni om 8 uur 's avonds in het John Wesley College te San Nicolas.

De agenda is overeenkomstig Artikel 7 van het Huishoudelijk Reglement.

Leden kunnen tot uiterlijk 10 juni aanbevelingslijsten inleveren voor ten hoogste vijf kandidaten voor het Bestuur, van wie een met de aanduiding "voor voorzitter". Deze lijsten moeten door minstens vijf leden getekend zijn en ingeleverd worden op Beatrixstraat 18, Oranjestad.

Door het Bestuur worden de volgende kandidaten voorgesteld: Mevr. B. Meyer, de heren H. Ferrol, J. Lavell, M. Ponson en C. Sinke.

Pakistan ta protesta

KARATSJI, 1 Juni. - Gobierno di Pakistan a protesta den un nota cu a worde entrega ne altu comisario di India na Karatsji, contra e expulsion inhumano y cruel dje mahomentanonan di India y Pakistan for dje ciudadnan di industria di India. E actuacion aki por perhudica relacionnan entre India y Pakistan, segun e nota. Segun circulonan bon informa diamars y diarason pasa 1425 mahometano Indio y Pakistani, a worde transporta for dje ciudadnan menciona bow di presion den dos trein pe stacion di frontera Wagah, cu ta keda cerca di Lahore. Solamente Pakistani cu ta dispone di pruebanan di indentidad, por drenta Pakistan. Sora a worde hiba den campamentonan cerca frontera.

Sra. Dassault di 65 anja cu a worde secuestra na Paris, awor a worde hanja bek y e ta bon di salud segun polis. Aki nos ta mire huntu cu su esposo, durante un conferencia di prensa despues di su liberacion.



AGENDA

ARUBAANSE COURANT

diariamente cu excepcion di diadomingo
 subscripcion f. 3.25 pa luna
 edicion los 20 ct.

edita pa:
 N.V. ARUBAANSE DRUKKERIJ
 - en UITGEVERS - en PUBLI-
 CITEITS MLJ.

Imprimi na:
 N.V. DRUKKERIJ
 "DE STAD"

Telefoon 1116 Directiva y redac-
 cion, 2116 Anuncio y subscrip-
 cion.

Directeur hoofdredacteur:
 D. Wolff.

POR CUMPRAR ARUBAANSE
 COURANT NA E SIGUENTE
 LUGARNAN:

NA ORANJESTAD:
 BOEKHANDEL MARISKA,
 PIET SODA FOUNTAIN,
 REFRESQUERIA INGRID.

NA SAN NICOLAS
 NICOLAAS STORE,
 UNION STORE.

BOTICANAN DI WARDA

Oranjestad Botica Oduber Tel:
 1780
 San Nicolas Botica San Lucas
 Tel : 5119

CINE

De Veer: 8.30 p.m. "The Uni-
 verse By Night" 18 j
 Rialto: 8.00 p.m. "The Naked
 Truth" 18 j
 Principal: 8.00 p.m. "The 300
 Spartans" all
 Aurora: 7.30 p.m. "West Side
 Story" 14 j
 Savaneta: 8.00 p.m. "The Keeler
 Affair" 18 j

RADIO CARACAS TELEVISION

8.45 Senderos de luz
 9.00 T.V. Educativa
 10.00 Documentales
 10.30 Cosas de mujeres
 11.15 Quien es quien en T.V.
 11.45 Novela
 12.00 Show de Saume
 13.00 Noticias
 13.05 Cont. show de Saume
 13.15 Se necesita una amiga
 13.35 Novela
 14.50 Yo se lo vendo
 14.20 Punto y apar te

14.45 Estudio de Hector Monte-
 verde
 15.15 Perfecta ama de casa
 15.45 Aventuras P. opayo y Yeyo
 16.00 Mejias y sus muchachos
 16.45 Tic Tac Toc
 16.55 Busque su marca.
 17.15 Loteria.
 17.30 Revolver a la orden.
 18.00 El Santo.
 19.00 Los detectives.
 19.30 Pajaros de acero
 20.00 El observador.
 20.15 Torrealba y sus Torre-
 alberos.
 20.45 Esta noche Billo.
 21.15 El matrimonio perfecto.
 21.45 Los Defensores.
 22.45 Noticias.
 23.00 Cine en Español.

TELEARUBA

5.30 Cartoons
 6.00 Annie Oakley
 6.30 Dutch Film
 6.45 Papiamento Newscast Live
 & Filmnews
 7.30 The Flintstones
 7.45 Papiamento Sportnews
 8.15 I love Lucy
 8.45 Have Gun Will Travel
 9.00 English Newscast Live &
 Filmnews
 10.00 Dutch Film
 10.30 Bold Venture

RADIO VICTORIA

6.00 Peticiones
 6.15 E Bijbel Habri
 6.30 Ultimas Noticias
 6.45 Ecos Del Cielo
 7.15 Bo Musica Favorito
 7.45 El Sendero De Vida
 8.00 Canticanan Di Evangello
 8.15 Mundo Femenino
 8.30 Ultimas Noticias
 8.45 Musica Di Banda
 9.00 Noticias Español
 9.15 Melodias Del Alma
 9.30 Morning Melodies
 10.00 World News
 10.10 The Bible For You
 10.15 Through The Bible
 10.45 Organ Melodies
 11.00 Chapel Of The Air
 11.15 Novela Cristiana
 11.30 Melodias Di Merdia
 P.M.
 12.00 Ultimas Noticias
 12.15 Musica Sagrada y Medi-
 tacion
 12.24 Thought For The Day
 12.30 World News
 12.45 Quiet Time
 1.00 Radio Concert Hall
 2.00 Reading Room
 2.15 Songs Of Zion
 2.30 Quiet Hour
 2.45 Radio Revival
 3.15 World News Headlines
 3.20 Ensueños Musicales
 3.45 La Hora Bautista
 4.15 Ultimas Noticias
 4.30 Vertel Uurtje
 4.45 Noticias Español
 5.00 Musica Di Banda
 5.15 Palabranan Di Bida

5.30 Lago Hour
 6.00 World News
 6.15 Psychology For Living
 6.30 Sallor Sam
 6.45 Listening Post
 7.00 Musical Interlude
 7.15 Off The Record
 7.30 Back To The Bible
 8.00 Musical Gems
 8.30 Nederlands Nieuws
 8.45 De Groene Weide
 9.00 Klassieke Muziek
 10.00 Sign Off

RADIO KELKBOOM

7.00 Opening
 7.02 Bon dia cu Alegria (Instru-
 mental)
 7.30 Noticia Internacional (Am-
 stel)
 7.45 Musica Matutino
 8.00 Seleccion musical cu dis-
 conan Latino
 8.30 Cumpleaños Feliz
 9.00 Noticia Social
 9.15 Musica Varia
 9.30 Melodias Instrumental
 10.00 Noticia Internacional
 10.05 Ritmos Latinos
 10.30 Programma di N. Habibe Jr.
 11.00 Noticia Internacional
 11.05 Musica Norte Americana
 11.15 Musica Antillana
 11.30 Musica Varia
 12.15 Noticia Internacional (Am-
 stel)

12.30 Musica Norte Americana
 12.45 Noticia Local (Viana)
 01.00 Variacion di Ritmo latino
 01.30 Mei ora cu Boleros
 02.00 Novela (Repeticion)
 02.30 Peticiones
 03.15 Ritmos di Caribe
 03.45 La Macorisana & Inter-
 nacional Supermarket
 04.00 Musica cu sabor Azteca
 04.30 Noticia Local (Heineken)
 04.45 Cocktail Musical
 05.00 Danzones Cubanos
 05.15 Musica Varia
 05.30 Alle Hens
 06.00 Noticia Deportiva (Gillete)
 06.15 Musica Varia
 06.30 Musica para la Cena
 07.00 Noticia Internacional pa-
 piamiento
 07.15 Musica Aleman
 07.45 Musica Norte Americana
 Instrumental
 08.15 Novela (Colgate)
 08.45 Musica Varia
 10.00 Sluiting.

CUMPLEANJOS

Awe dia 1 Juni ta cumpli anja
 Juan Kelly, felicitacion ta bini
 di su esposa Paulina, juanan

Seferino, Maria, suegro Fran-
 cisco, suegra Maria, cunjanan,
 suanan, rumanan, tanta y omo-
 nan, iha Edwin y Irique, y de-
 mas familia Kelly, Wernet, Sta-
 tie, Maduro, y Tromp.



Awe dia 1 di Juni ta celebra su
 feliz cumpleaños Gloria Martijn
 felicitacion ta bini di su estima-
 da tata Cand, estimada mama
 Mamita, 7 rumanan, Olga na Cor-
 sow, Alda, Mientje, Adi, Lula,

Denny y Eric, wela Emilia na A-
 ruba y Emilia na Corsow, tanta
 omonan, primo y primanan, tanta
 Elma Evertsz, y demas familia
 Martijn, Evertsz, Maduro, Mar-
 tes y Zijlstra, amiguanan di A.M.
 G. di San Nicolas.

Awe dia 1 di Juni ta cumpli 15 an-
 ja den servicio di Sra. Sera Pon-

son di Nassastraat 63, Manica
 Koolman, felicitacion ta bini di
 Sra. Sera Ponson y 7 jioenan,
 tambe di su mama Barnadina
 Koolman, amiguanan, especial-
 mente di su amigo Jacintho Kock.

Un portret di Michele
 Thialer, e presidente
 nobo di manequinanan -
 frances den su oficina
 na Avenue Georges V
 na Paris. Michele atra-
 ha pa e casnan conoci
 di moda. Mas atras un
 portret di su famosa
 antecesora difunto -
 Lucky.

E mes un dia pa banda di seis
 or y mei di atardi A-870 maneha
 pa T.P. y A-781 pa E.C. a dal
 ariba otro den B.v.d. Veen Zep-
 penveldtstraat na San Nicolas.
 Danjo material a eesuita seis cien
 florin.

Tortura di un amor NOVELA

No. 15.

Mi ta kere cu lo bo keda
 mes satisfeco cu mi, di e so-
 lucion aki. Aki dos aña lo mi
 mandabo mi adres pa nos por
 presenta nos divorcio. Minokier
 ni awe, y ni den futuro algo di
 bo propiedadnan. Purbalubida, si
 ta posibel e hende stranjo cu a
 causabo tanto molestia. Aki dos
 aña bo ta un hombre liber atrobe
 "E carta ta firma Andrea
 Weert. Apenas Nico a caba di
 lesa e contenido di e carta, cu
 el a corre sali pafo, sin cuminda.
 El a corre bay na su auto,
 Demasiado laat! El a bay cabal
 Totalmente derrota el a cay sin-
 ta bek den su auto. Pakiko An-
 drea a casa cu né, mientras cu
 toch e no kier tuma nada di dje?
 Y e cu a kere, cu e unico dese-
 so di Andrea ta pa e bira Conde-
 desa Elmer. Despues e Conde a
 cuminza hari amargamente: "Es-
 ta un idiota bo tabata Nico" e
 ta bisa den su mes cu rabia.

"Nada ainda", discourashá
 Stefana ta pone e cartanan riba
 lessenaar di su tio. "Abo ta
 spera algo particular anto?"
 asombrá Sr. Brit a hiza su ca-
 ra mirá. "Naturalmente Des-
 pues di ocho luna a bira tempo
 pa Andrea manda bisa nos algo.
 Of abo no ta hanja stranjo, cu
 nos a haya tende nada ni di dje
 y ni di e Conde?" "Ach, mi
 jul, e casamento ey a worde
 realiza bou di tanto circumstan-
 cianan stranjo! Kizas nanta pur-
 ba pasa e periodo di dos aña
 na exterior! Y ademá Nico lo
 no keda contento, si tur hende
 haya sa." "Bo kler meen si
 acaso e divorcio despues di dos
 aña?" "Naturalmente, kiko bo
 a kere anto?" "Sr. Brit ta staa-
 su dilanti. "Maske cu ami
 ta kere, cu despues di tanto
 tempo, nan lo custumbra cu o-
 tro, y cu despues nan lo keda
 cu otro tambe. Pero bisando

berdad, mi mes no sa kiko pa
 pensa di e dosnan ey". Pensa-
 tivo Stefana ta frega su dede
 na su nanishi. "Pero toch
 ami ta haya stranjo. Casi si-
 gur Andrea mester a skirbi nos,
 si tur cos a bay normal. Ki-
 zas e Conde a bente den un rieu-
 ya e ora su bunita swa no tin
 nodi di rabia mas." "Of An-
 drea a tiré den rieuwl! Sobra
 Nico tampoco no a skirbi."
 "Un di nan dos mester a ke-
 da", Stefana ta bisa pensativa.
 "Abo sil" Sr. Brit a bisa
 hariendo. "Peliroja, awe bo
 fantasia ta bolbe traha, no?"
 "Mira tio", Emocioná Stefana
 ta kinipi su tio den su brazo.
 "Aa e sobre viviente ey!" "Sr.
 Brit a bula para. "Mi dios,
 ata Nico a bolbe bek." "Kier
 meen cu el a tira Andrea den
 rieuwl! Paga tino, tio lo bo
 mira cu mi tin razon!" "Ke-
 da keto Stefana. Ya mi no tin
 gana di haci pret." "Thomas
 a corre bay contra su amigo.
 "Nico", carinjosamente e ta
 sacudi su man. "Mi ta con-
 tento di mirabo bek atrobe. Bo-
 sobra tabata tin un bon viahe?
 Drenta numal! Stefana ta kiman-
 do di kaweta pa haya tende al-
 go di Andrea. "Thomas, mi
 por papia cu bo un rato so?"
 Awor numa Thomas a ripara
 e cara smal y serio di e Conde,
 y mesora el a comprende

cu algo a pasa. "Laga nos
 bay den mi kamber di trabao".
 El a laga e Conde cana dilan-
 ti. "Bo kler algo di bebe?"
 "Un cognac. Mi mester di dje!"
 "Nico, bisami, kiko ta pasan-
 do." "Bo a dal e clabo riba
 su cabes. Mi falta algo, y esey
 ta mi señora!" "Thomas a keda
 manera un hende paraliza. "Bo
 kler meen cu bo a perde An-
 drea?" "Si, mi a perde Andrea."
 E Conde su cara ta sin brillo.
 "No kere cu ta awe, of aye-
 ra, pero e mesun dia cu nos a
 casa. Prome cu nos a cumin-
 za nos viahe di matrimonio. Mi-
 ra esaki!" "El a saka e carta.
 Thomas ta lesa e carta, mien-
 tras e ta sacudi su cabes. "Y
 kiko bo a haci despues?" "Ni-
 co ta hari den djente. "Busca
 y bolbe busca naturalmente.
 Esaki si ta un viahe di matrimo-
 nio particular. Lunas largo
 mi a viaha tur caminda, pa mi
 hayé. Mi a interveni cu tur cla-
 se di oficinanan di detective.
 Pero mi no na haya Andrea.
 Awor mi último deseo ta cu mi
 lo hayé akinan of siquera ha-
 ya sa su direccion cerca bo.
 Sino mi no a bini, Thomas. Ta
 un caminda terribel pa mi, pa-
 sobra toch ami ta responsabel
 pé. Kizas mi tabata un poco
 bruto, e a bisa. Thomas sa,
 con orgulloso su amigo ta, y e
 sa kiko e kier meen cu e pa-

labranan aki. "Stefana mester
 sa, unda Andrea ta". El a ke-
 da mira su amigo cu emocion.
 Sr. Brit a sacudi su cabes. "Mi
 mester desilusionabo, Nico. Ni
 ami, ni Stefana tin un idea na
 unda Andrea por ta. Al contra-
 rio nos tabata asombrá cu nos
 a tende ni di dje ni di bo."
 "Kier meen atrobe nada!"
 Cu un cara molestia e Conde
 ta mira door di e ventana.
 "Kizas ta mihor asina Nico".
 Sr. Brit a bisa cu cuidao. "Pa-
 sobra toch boso no por a com-
 prende otro. Y ta pesey boso
 matrimonio a worde realiza na
 un manera stranjo asina." "Cu
 un poco bon voluntad tur cos por
 a worde reglá. Na cuminzamen-
 to mi tabata desprecia mi seño-
 ra, pasobra mi a kera cu e ta-
 bata kler placa y tutulo, pero
 awor mi tin rabia riba dje!"
 "Pero Nico, pakiko?" "Spantá
 Thomas a puntra esaki. "A-
 wor bo mes por mira con ma-
 lo bo ta condená! E no kier
 nada di bo propiedadnan."
 Pero awor Sr. Brit a ripara cu
 el a dal e Conde net na su
 punto zwak. E Conde, kende
 hopi mucha muhé ta sonja pa
 casa cu né, ta worde genek
 door di un secretaria chikito.
 E ta sinti su mes desprecia
 te na su alma.

E ta sigui....

RIP KIRBY

pa cortesia di:

JAN BODEGOM & CO (ARUBA) N.V.

Agente exclusivo di

FRIESCHE VLAG

lechi evaporado y lechi en polvo

MAXWELL HOUSE KOFFIE.



CISCO KID

pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba.



BUCHI ROBEZ

Pa cortesia di:

PIET'S SODA FOUNTAIN

Tel. 2123

E mihor adres pa snacks, tur clase di dushi, softdrinks, ice-cream y revistas.



PEPITA

pa cortesia di:

ANTILLIAN HARDWARE CO.

E mihor adres pa VERF, KWASHI, TUR HERMENT, ARTICULOS SANITARIO.





DICK TRACY

presenta pa cortesia di

JOHN MANSUR AUTOPARTS

na unda bo ta hanja piezanan-di auto, garantisá pa nan calidad.

L.G. Smith Blvd. (P'ariba di La Esperanza) tel. 3094.



Horoscopo personal

ARIES-21 di maart - 20 di april Perspectivanan ta excelente pa cuestionnan domestica. Sin embargo, cuida bo mes contra intervencionnan di afo.

TAURO-21 di april - 21 di mei Dedicar bo ratunan di ocio na algu cu por yudabo bon. Esaki no ta un dia pa bo sosega en cuanto bo laureinan. Hasi loke bo por pa bo mehora bo posibilidadnan.

GEMINIS-22 di mei - 21 di juni - Tene masha cuidao den bo tratonan cu otro personanan. Bo mester tene masha cuidao especial den concedimento di credito na personanan cu bo no conoce bon.

CANCER-22 di juni - 23 di juli - Aspectonan social lo continua bon pero tene masha cuidao den negoshinan cu otro personanan.

LEO-24 di juli - 23 di augustus - No tin tendencianan armoniosa den aire, asina ta cu bo mester evita trobellnan mostrando hopi tacto y diplomacia.

VIRGO-24 di augustus - 23 di september - Conserva e rutina di custumber e dia aki y evita di trata metodonan nobo cu personanan cu no ta gusta esaki.

LIBRA-24 di september - 23 di october - Prospone hasimentu di decisionnan cu por cambia e status quo.

ESCORPION-24 di october - 22 di november - Esaki ta un dia den cual cambianan repentino den e ambiente por trastorna bo plannan. Sagitario-23 di november - 22 di december - Evita di ser terco den bo exigencianan. Ta mihor bo tin algu cu bo no tin nada.

CAPRICORNIO-23 di december - 20 di januari - Hasi un esfuerzo pa bo resolve bo propio problemanan e dia aki. Reserva bo cosnan.

ACUARIO-21 di januari - 19 di februari - Romance ta mas favoreci cu negoshinan e dia aki. Si bo ta inteligente lo bo sñña transferi e atencion di un pa otro.

PISCIS- 20 di februari - 20 di maart - Bo por laga bo negoshi un ratu pa bo dedica bo na bo obligacionnan social.

Apelasion africano pa aliadonan

NEW YORK, 1 juni. - E grupo di paisnan Africano na Nacionnan Uni atrobe a haci un apelacion riba aliadonan di Sur Africa y principalmente riba Inglatera, Merca y Francia pa tuma tur medidanan necesario pa stroba eheucion di lidernan nacionalista na Africa del Sur, cu a worde condena pa motibo di nan oposicion contrapolitiek di apartheid.

Elogio pa Hapon

TOKYO, 30 mei - E president di e comite Olimpico internacional, Avery Brundage, a declara awe den un almuerzo cy prensa cu e tin solamente elogio pa e preparativonan di e weganan Olimpico di e anya aki na Tokyo.

E hapones tabatin plannan pa termina e preparativonan na augustus - e weganan ta cuminsa na oktober - pero Brundage a bisa cu el a sinya tambe un palabra hapones y esey ta "Taboen" loque ta nifica "kizas".